

四庫全書

集部

欽定四庫全書

鄱陽集卷四

宋 彭汝礪 撰

律詩

皇帝郊祀禮畢詣景靈恭謝次履中學士韻

黎明駕出告熙成
朝野人呼萬歲聲
日上天門春意近
雪殘宮瓦曉寒生
六龍寵護隨天仗
三爵恩容醉御觥
德似丘山纖未報
白頭知愧不知榮

皇帝郊丘從駕次履中學士

今歲郊丘上始躬宿齋初出未央宮百年禮樂星辰爛
萬國衣冠錦繡中精意與天相應接人心如水自流通
聖時好作休成記今日誰為太史公

次韻履中學士宴集英殿

袞衣玉色殿中央簪佩參差萬翼張和氣每窺天一笑
晬容時見日重光九成樂奏蓬山近百和香焚黼座傍
魚躍鳥飛應自喜君仁三倍勝岐昌

次履中學士正月十一日迎駕大慶殿

瑞霧蒼茫杳靄間
遲明催立大庭班
禁林草木青春近
秘閣文書白日閒
華蓋熒煌天帝座
蓬萊縹緲道家山
金輿玉乘歸何晚
樂奏鈞天夢未還

考試閣下次子由韻

省曹祇有西曹要
官府無如憲府嚴
國論于今須汲直
人才自昔畏由兼
斧斤准擬棟梁得
塵土吁嗟圭璧淹
萬事調和歸適可
諸公聞望在梅鹽

贈去華學士

射策熙寧第二人十年青綬困京塵
聲名未誤如椽筆寵辱何疑是夢身
壯志自能探虎穴危言更看逆龍鱗
美才何但膺門客觀國今時正利賓

巖夫庭佐欲歸出長安以詩邀游後圃

馬蹄容易去吾東行李紛紛計已忽
還使寸腸隨夜月不知一淚落春風
雙飛露草看原鵲獨宿雲溪念塞鴻
更約藏舟今日飲百壺清笑慰飄蓬

奉答諸兄弟詩韻

饑渴相期待板輿途中千萬數脂車浮生本自雲無定
白髮新來雪不如原上春令知望汝洲前鸚鵡看題書
愁腸日有平安信祇問江頭雙鯉魚

得至郢州寄知郡朝議

襄陽曾賦贈行詩邂逅扁舟得所期勝跡好尋梅福宅
真游稍記習家池郢中白雪今誰和漢上仙槎恰是時
冰酒直須多準備寄聲先報主人知

送行詩卒章云兵
厨且喜為冰酒當

為公乘
八月槎

寄和仲

牛首作

日月其除如擲梭
老來衰疾轉添多
苦心不祇荼毒似
短髮無如霜雪何
畢竟行藏渾有定
尋常聚散亦非它
欲知日暮相思意
牛首山前湖水波

奉懷深父學士友兄

泛泛公舟何所之
江湖不似月相隨
關西夫子吾所畏
河上丈人今所思
蓬髮白如相別日
菊花黃似去年時
看花欲飲竟無味
不是貧家缺酒卮

又

看山更飽更無厭
野色雖寒亦不嫌
風作浪頭高突兀
雲埋雨脚細廉纖
一雙遠岸釣魚艇
三尺近村沽酒帘
海上浮舟憶彭蠡
門前栽柳舊陶潛

奉和施禽魚食復賡一章

南方有國號清涼
人好禽魚性亦良
在藻日分香積飯
銜花時繞淨明床
濠梁孰謂安知樂
大澤吾能不亂行
但得養魚如養已
相濡仍不似相忘

江上寄廣漢屯田丈

白首扁舟西復東
滄江時對百花叢
山光縹緲雲霄外
水氣溟濛烟靄中
似酒鵝兒隨暮雨
于飛燕子語春風
一盃欲飲終無緒
想望鄰家鶴髮翁

和瑛師

江湖日夜著東流
水上乾坤一點浮
隔浦雲山隨客步
近村花竹慰人愁
同舟自有林宗在
結社還須惠遠遊
酒興正酣歸更懶
坐看涼月上滄洲

兵部敏叔頒示佳句謹依原韻

遍瀾川澤壓岡巒萬室清明更可觀
麥上早春誰漏洩
梅邊窮臘自凋殘
陰陽順適天時好
高下均平地澤寬
歲歲豐登今以始
都人切勿怨祁寒

次去華學士韻

九衢塵土暴秋陽
宮殿深沉早自涼
庭栢染霜千丈碧
籬花著雨一番黃
天邊河漢波瀾闊
海上蓬萊日月光
文物豈惟淹漢魏
太平久矣四三皇

寄君時弟

日夜風前聽好音書來一讀一傷心淚搖眼尾催花發
愁結眉頭見雪侵秋逕自我彭澤菊夜堂時奏武城琴
事多不廢看書否白首知君惜寸陰

送祖道朝奉

二月同舟出宋都轉頭即是十年餘可憐老大猶為客
莫怪尋常不作書蠟屐阮孚人不會鱸魚張翰子何如
寄聲莫汙清風地留與先生作隱居

送吳縣丞

四十青衫似老翁作官不似作詩工
身追鴻鵠雲霄外手縛鯨鯢波浪中
俊敏今非無李白沉深古自有揚雄
和聲直可奏宗廟嘆息無人知爨桐

送葉亨仲

太學聲名二十年詞場少以一當千
王良僅可使執轡祖逖豈容爭着鞭
文字莫愁蒙醬瓿功名欲看勒燕然
故人相見如相問為說蕭條雪滿顛

四月七日出城西見河中資政侍郎遇中叔聯

騎入池南門行東北隅以歸各賦一首

一過西城首一迴經年欲往限塵埃薔薇露溼春猶在
楊柳烟深曉未開雨後波光浮渤澥雲中山色隱蓬萊
與君馳馬競東北也道曾來池上來

和美叔學士

早日清明氣鬱葱翠輿朝出建章宮光回鷺羽雲霄外
翠滴荷衣雨露中苦愛平心似崔郾預愁啟事愧山公

酬詩自笑才慳澁不似清微長養風

和彥常侍郎

濯濯威靈赫赫光天顏咫尺在巖廊圖功未肯兄三古
較藝何嫌弟寸長鼓舞雷風馳漢詔昭回雲漢見堯章
酒樽更有論文樂一笑令人萬事忘

再和彥常侍郎

天上九重開禁闥雲間十步見修廊仙源水近漂花急
化國人閒愛日長較藝過旬窺錦繡賦詩終日聽韶章

時沾好賜終何報自許餘忠老未忘

送池須文長官

龍淵虎穴少窮探老大生涯一劍鐔
曲沼鴛鴦多白髮雕籠鸚鵡久青衫
能知令尹三無愠正似嵇康七不堪
見說明朝好天色鵬程從此穩圖南

劉生適中初業儒稍能文詞氣勇而不暴
甚得鄉士人心連蹇不得志以醫游四方
元祐七年來京師予與喬給事公權豐侍郎相之薦

于朝入翰林為醫官孫待制傳師帥渭辟以
從予哀生之志未得而喜其得賢主人以歸
也作是詩以送之

短衣瘦馬去從軍辛苦知君秋為貧絲綬戲拈五兩去
桂華志取一枝春持書關內大丞相寄語渭濱賢主人
種種別時雙鬢髮蕭條今日總如銀

送蔣和父赴代州教授

十年場屋飽聲名落筆從容一坐傾餘澤未能沾萬物

緒言聊復啟諸生青衫簿領當時態白首詩書足義榮
得失已知君不恤春風談笑入邊城

豐湖

漫漫平湖十里賒南州今作畫圖誇波瀾雨過魚兒出
草木春歸荔子花山近冷光搖几席地平餘潤入桑麻
使君恩德還如水長滿羅浮十萬家

又

仙閣玲瓏高出雲畫橋縹緲淨無塵滿分江海千年潤

平占蓬瀛十里春
照浦蟪珠應自復
隨舟鷗鳥會相親
使君愛物能如此
閭巷當時合借恂

和深父學士

故人氣分比松筠
凌雨霜風轉更新
暇日莫辭三斗醉
浮雲便是百年身
今來古往祇如此
弟唱兄酬莫厭頻
雪霽擁爐須酌酹
月明分手更逡巡

和侯利建運使朝請

當年置酒峴山亭
公作新詩我載賡
疾病尚憐憂似醉

文章還看美如英傷哉無復老萊戲久矣不聞韶樂聲
饑鵠欲飛嗟已老謬煩江漢借修程

和通判朝奉宋丈

塵事如毛日日生故園久擬問歸程飛鵬怒薄扶搖上
病驥饑尋截嶠行綠野盡頭迷漢水白雲深處是樊城
私懷借問何其似祇看搖搖車上旌

又

未忍田間老此生衰遲已覺怯修程頻頻彼似鷺斯黨

踽踽吾非杖杜行雲影晝迷芝嶺路水聲夜到鳳林城
僕夫不見人憂思未曉忽忽已抗旌

和通判承議

決勝從容樽俎間一軍爭死不知還拔旗徑蹈烏桓壘
杖策橫封函谷關畫像麒麟天上閣銘功雞鹿雪山
我榮不與諸公比歸見慈親一解顏

再呈通判承議

山邊置酒水邊行魚鳥于人各有情終世界能著幾履

此時聊可濯吾纓啟期拍手誇三樂漁父張頤笑獨清
四海一舟歸未得低徊長恐負生平

又

南頭如送北頭迎祇有溪山不世情少日激昂投耒耜
老年辛苦畏簪纓長松根脚龍蛇蟄老鶴精神玉雪清
會得無生渾自足還容款曲問長生

呈通判朝奉宋文

昨日南陽今浙川馳驅不敢恨華顛久披褐布是居士

時着斑衣猶少年
係屨記尋幽徑竹
泛舟憶近碧池蓮
笑君與我渾相似
目病鰥鰥夜不眠

又

經時山川浪跋履
半夜衣裳時倒顛
塵土最能催白首
風波祇會送流年
寂寥彭澤門栽柳
蕭洒東林社結蓮
語及故鄉歸未得
看雲步月欲忘眠

持正率和中丞諸公喜雨

昊天旋日照宸憂
靈雨崇朝遍舜州
雲起山川初一點

水傾河漢欲交流歡愉散入輿人誦潤澤渾供萬物求
遙想玉山禾粒熟來儀還見鳳凰秋

又

盛德無煩百姓憂分明靈貺厚齊州精神散接諸天遠
潤澤橫隨四海流玉色晬溫知有喜淵衷澄寂本無求
史官屢得豐年事還記熙寧第十秋

奉寄深之學士子開侍郎

在初考今復承乏有懷舊游因作是詩

萬國承平道更尊君王取士夙臨軒雕蟲立廢賈馬賦

發策跂聞晁董言
蘭艾同榮春靄靄
魚龍欲化海渾渾
風流想見東華路
夾道傳呼看狀元

時在集英幕中呈諸公學士

衰病從來飯亦慵
不堪鎖宿似南宮
夜涼月滿重簾外
春雨花開一夢中
軒陞直言尊董氏
朝廷故事問胡公
文章久怪無新語
議論初欣有古風

和范學士韻

大府池臺能近郭
隣家花木巧當顏
叢篁著雨初成徑

巨石浮烟恰是山御氣即能馳碧落戰文誰敢敵黃間
樂天自得三無愠易地何殊五不還

二

先生亡子衆推賢號慕今猶似慟顏西竺嘗言空是色
南華亦笑澤藏山由來世事無窮處畢竟人生在幾間
看著江流長泛泛可言逝水不知還

三

日華冉冉在波瀾水色依依照面顏漢上仙槎浮八月

海中金闕隱三山芙蓉開席成陰處楊柳維舟倒影間
景物向人情不淺頻將風月送公還

四

清香一炷意超然萬事無緣更動顏野鳥銜花來丈室
烟蘿招月出遙山居方不礙游方內住世還如出世間
却笑晚年貪著事野邊湖外夜忘還

五

南陽五月飽偷安報政無聞祇汗顏平日髡鉗盈狴犴

豐年盜賊出丘山簿書細碎晨昏事弦誦寂寥庠序間
但見潁川多鳳集仍知合浦有珠還

六

豈有微功答謬恩尚思榮祿慰慈顏心誠似水知宗海
事責如蚊欲負山資性僅同中以下行能未及二之間
木桃每屈言為贈祇恐瓊瑤未足還

七

南陽雖好遠江干襄沔歸來失病顏雨霽遠浮清漢水

雲歸深見上方山傷心蜀主君臣際回首龐公父子間
薄暮樓頭待明月笛聲時見釣舟還

八

起照青銅已鬢斑早衰不似舊容顏塵埃冉冉行其野
霜雪紛紛陟彼山稍憶輟耕棲壠上不堪待罪久行間
陽臺自笑雲無定華表應疑鶴未還

九

風雨先催十月寒顧瞻言邁祇悲顏二天舊澤流淮水

五色新文照楚山我病欲歸邊使重君行合在侍臣間
潁川莫厭次公去宣室方思賈誼還

和劉舍人

翦綵微茫比絲髮雕金焜晃映蟬貂鷺鷥破曉趨丹禁
雨露迎春下九霄花映上尊非索寞雪侵餘鬢自蕭條
讀書終日不知味恰似在齊聞舜韶

和執中寄師厚同年

千載風雲慶一逢枯榮相望百年中雪霜松檜材先老

泥土驂騑路未通
顏子奚慙一簞食
阮生不是哭途窮
春游取次吟花藥
枉負燈窗翰墨功

又

日暮相忘城上亭
雲深祇見數峯青
傳巖可獨為霖雨
荀里還歸聚德星
漢水遡風增浩蕩
蘭花着雨長芳馨
嘯吟久不過諸葛
丰度今誰似九齡

招執中看醪醕

恰是醪醕初盛時
清香終日在塵衣
參差正對金沙拆

散漫更為蝴蝶飛日煖綠雲長閨淡春深白雪更霏微
急來相就花前醉看盡此花春欲歸

寄正夫判官

數竿嚴瀨釣魚綸一幅淵明漉酒巾天上舊傳公子貴
漢陰今見丈人真登山臨水能胥宇問舍求田待卜隣
欲作獨清無已甚時將數字寄埃塵

送宗文先輩

夫子聲名二十年塵埃歎息欲華顛相如舊有凌雲賦

靖節今無種秫田
南國寂寥歸見雁
北風悲壯屢聞蟬
思量世事真如幻
合置窮愁頓酒邊

和子仲都官徐孺亭

已矣斯人不可從
風流今見一亭中
雲藏洲渚秋長碧
日在波瀾晚更紅
旱歲會為岩際雨
貪夫亦畏海瀕風
于今未見如公比
嘆息陳蕃榻亦空

和穎叔寄佛印

有客寄詩南雍州
清新全占峴山秋
官名便據非常寵

文學元居第一流雲近蛟龍朝丈室夜寒星月宿重樓
知公有勇斷鼇足到彼不須騎虎頭

又

憶留鐵甕城經夏却泛金山寺看秋鍾梵去隨滄海遠
樓臺低湧大江流波瀾隱約開龍國烟霧分明見蜃樓
他日上方容聽法不應疑我皺眉頭

又寄佛印

神仙冉冉在蓬壺更得詩來慰索居天上樓臺開佛國

日邊香火讀天書
籃輿獨往公今爾
蠟屐他時我亦如
彼是此非無足問
悠悠同是一空虛

途中久雨

我征徂西今復東
分明身世如飄蓬
歲華便是百年半
日氣恰當三伏中
山谷無情頻送雨
園林何事急招風
浮生所遇皆知分
未用紛紛論色空

灘上

片帆逆水過溪山
吾賤能諳世路難
小雨作雲迷澗谷

急風吹雪上波瀾草根已定春來意梅蕊猶含臘後寒
漸老豈能支道路扁舟欲去老漁竿

送正孺

離筵冰凍樽中酒行路雪沾身上衣遊子思鄉夢先到
老人惜別涕交揮昔年終軍棄繻去今日買臣懷綬歸
畫繡奚為公不樂祇應愁見白雲飛

答執中見和

枉費山公席上珍看書轉憶笑言親舊時香積廚中飯

新得金蓮社裏人傳語簿書聊借日寄聲風雨莫催春
須容飽飫先生饌可使閑防異姓賓

和伯鈞節推

昔年相見蜀山隈落落知君匪衆材白髮今時俱老大
青山何日盍歸來烟塵草草馳軍檄風雨忽忽把酒盃
萬事欲言終不盡詩成悽愴有餘哀

東流寄天保弟

湖山高下綠參差目斷東流此一時日久不聞鴻雁信

春來初見棠棣詩草根二月萋萋熟沙外數家楊柳垂
恰是去年相送處酒樽還憶數追隨

寄君時弟

正直多疑勢易孤官情時態近何如應知秋後無窮事
未得冬來第一書憶汝愁聞洞庭雁作詩欲寄武昌魚
江湖此別何其久日月居諸又歲除

使遼

北行未始過陳橋仗節今朝使大遼寒日擁雲初漠漠

急風招雪晚蕭蕭江湖夢寐時之楚象魏精誠日望堯
孤驛夜深誰可語青燈黃卷慰無聊

古北口楊太尉廟

將軍百戰死嶽岑祠廟巖巖古到今萬里邊人猶破膽
百年壯士獨傷心遺靈半夜雨如電餘恨長時日為陰
驛舍愴懷心欲碎不須更聽鼓鼙音

過古北口始聞雞

雪餘天色更清明野店忽聞雞一聲地里山川從禹畫

人情風俗近燕京
漁陽父老尚垂涕
燕領將軍誰請纓
容覆不分南與北
方知聖德與天平

塞外冬至

今年至日是今朝
日影方長路更遙
霜雪辛勤白榆塞
鵝鴻悵望紫宸朝
陰冥丘壑雲長暗
陽觸淵泉凍欲銷
欲問春來消息近
幾多垂柳在溪橋

聞駕幸太學

四海承平正右文
君王昨日幸成均
三千縫掖星辰拱

十二旗常日月新萬里去持山國節六龍阻望屬車塵
上心直欲窺堯禹咫尺誰能席上珍

寄君時宿直

天寒不歸汝安否日暮有懷如此何丈室全如在林壑
重雲漫不見星河高風側聽離離雁濡露長悲蓼蓼莪
不是不知詩廢事相思不寐自成歌

鴈池

池水人言是鴈池池邊兀坐久忘歸蓬瀛仙子紅蓮出

湖海幽人白鷺飛
楊柳垂陰留客佩
滄浪潑翠點人衣
故園一別頭今白
目斷江邊舊釣磯

萬安道中

上下雞籠牛口灘
灘頭濯濯雨聲寒
氣蒸曉日雲無間
波漾春風雪未乾
落絮並花浮遠水
飛鷗隨鷺落驚湍
扁舟穩泛滄浪遠
珍重嚴陵一釣竿

和佛印

供佛堂中香積飯
度人門外白牛車
叅禪長老或雪涕

說法虛空時雨花靈鷲御風朝海濱飛翬撒水抗烟霞
老師住處即安樂祇恐卧龍生嘆嗟

執中學士以蔬菜見貺戲寄小詩

貸粟監河公自貧蔬菹投我覺情親不須乞飯去香積
誰會獻芹如野人維筍及蒲全似古式歌且舞恰當春
投閒即擬同公醉莫道無魚可及賓

與文淵遊聘君亭分題和文淵亭字韻

東湖九日水如冰畫舫還尋孺子亭雨後斷雲歸冉冉

天寒孤鴈去冥冥
蘭茗散漫池塘遠
松竹參差島嶼青
貪惜上恩歸未得
自憐雙鬢欲垂星

內鄉

熊耳書所謂熊耳外方桐柏者是
虎逸唐武德中所築俗言為武逸

山谷生雲作風雨
樓臺映日貼烟霞
危峰熊耳倍千丈
廢堞虎遙今數家
野外小橋丹作水
潭邊仙菊雪開花
隆寒大熱三經涉
世事催人早鬢華

送子開侍郎出守徐州

彭城事事似南都
頃歲曾分刺史符
吏治甚慚前有召

民謠更媿昔無襦最思鳳沼鳳皇集還見鴈池鴻雁孤
萬事我今無一樂扁舟歸夢滿江湖

致政侍郎知郡學士賡和詩凡數篇謹用元韻
寄呈知郡學士

玉色諸兒馥若蘭綠衣想見日承顏塵纓遠濯滄浪水
燕几深居畏壘山俗眼漫譏身察察人情方喜知間間
夕陽歸興隨飛鳥真意無人語此還

和蜀公家居

平湖三月水猶寒霜鑑冰壺照玉顏柳暗何如江上路
雲深不礙海中山春風鳬鴈窺青瑣晚日波濤在白間
景物會招山簡醉時時倒著接離還

西湖

篇章蕪漫不中看誤得先生一解顏明月何為投暗室
陽春不意在窮山平時借以齒牙論今日見之眉睫間
公詩云君行方在急流間自笑鴈鴒為計拙誰知鴻鴈及時還

答蜀公奉酬

疊石栽花作小園庭柯顧盼足怡顏盡捐勢利隨流水
多占聲名似泰山細雨鳬雛浮水際微風燕子語梁間
竹冠筇杖籃輿好認得公從湖上還

二

逍遙今是地行仙無事全勝藥駐顏早歲風流都翰苑
他時文字出名山修竿養竹千餘畝小屋誅茅八九間
潁水可憐歸未得不如雲鶴會飛還

三


叢條潤澤無瞋胆芳杜將迎失厚顏陶令葛巾曾漉酒
謝公蠟屐慣尋山觀魚恰似濠梁上結宇渾如岡曲間
楚醴滿觴知意愜胡香細炷覺神還

途中奉寄

水涉山行岐路長思親一夜鬢毛霜紛紛枝上慈烏宿
肅肅雲中鴻鴈行活計一行隨夢幻生涯好去老耕桑
知君合續南陔賦萬里因風數寄將

武岡路中

複嶺重岡烟靄深
晚年多病覺難任
他鄉一日如三歲
遠路家書抵萬金
流水可憐君未息
白雲誰似爾無心
天寒日暮雙飛鳥
寂寂歸棲只舊林



鄱陽集卷四

欽定四庫全書

集部

鄧陽集卷五

六

詳校官庶吉士臣范逢恩

檢討臣何思鈞覆勘

總校官編修臣王燕緒

校對官助教臣卜維吉

膳錄監生臣沈瑞錦

欽定四庫全書

鄱陽集卷五

宋 彭汝礪 撰

律詩

答張太夫友兄

塵土無人慰病懷
篇章一見覺心開
風高昨夜冥鴻去
水涸何時畫鷁來
天上舊傳公子貴
江東還見步兵才
老成合有言為贈
倚馬相望故鳳臺

送周朝議赴郢

岩石滄洲一水涯
畫船幾夜宿蘆花
芭蕉山谷靈峰寺
龜鶴池塘梅福家
今日豈應無白雪
當時亦未見皇華
兵厨且善為冰酒
當為公浮八月槎

又

驅馬悠悠何所之
峴山南去習家池
蓮花可愛肌如雪
鷗鳥何為鬢亦絲
一葉林頭秋到處
片雲溪上雨來時
公方紫綬金章貴
可要山公白接羅

城上

孤城縱目盡南東，山轉溪回翠且重。
雲際靜浮濱海水，林端清送上方鐘。
今時漢北無雛鳳，當日襄陽有卧龍。
萬事廢興無足問，登臨吾樂正從容。

代人荅周朝議生辰贈章

我辰邂逅得朱明，一離陰邪一點生。
蓬天尚存隨薄宦，龍駒已老怯修程。
鬢毛久似安仁白，神氣初慚衛玠清。
南郭丈人慈愛並，遠分珠玉助光榮。

穀城溪亭

穀國有亭溪水邊稅車安寢不無緣芰荷冉冉雙飛鳥
蘆葦深深一釣船故國寄聲無去鴈他鄉催淚有啼蟬
江山亦為行人動六月寒風正凜然

荅孫荊州頽

鳳林清淑鬱扶輿五馬當年數駐車故老作歌今未已
大賢為政法何如二碑峴首窺餘烈一紙荊州得近書
縮項槎頭知未羨龍州聞說更多魚

病中寄君時

可憐平生不堪處未有一朝無病時患難尋常心欲折
塵埃四十髮如絲倦游司馬多聞友現病維摩大導師
筋力尚堪游樂在不應空廢百花期

寄孫元忠

離羣已是四年秋昔是少年今白頭舊日雁池應好在
多情睢水會東流更貧尚有簞瓢在已見誰能度數求
三徑淵明多種菊五湖范蠡有歸舟

戲呈葉提舉

自笑肩輿鈍似椎不如馬足快如騅驅馳祇似江西日
懶病全非年少時熟睡疑空淨石室沈思若下董生帷
道途不獨輸公敏凡事相方總較遲

和馬太守五首

寒林

平林十里看深秋疎影橫斜翠欲流日晚小舟維別浦
天寒飛鳥浴滄洲傍山畦徑村村遠近水軒楹事事幽
欲賦祇慙非太白酒卮獨覲一朝酬

翠玉

平湖如鑑見寒林誰作高亭據靜深到海水源終有本
從龍雲影自無心芰荷一片隨幽賞鸚鵡雙飛近醉吟
顧我倦遊歸欲早寒門獨覲數窺臨

水雲

萬竹娟娟一徑開禪師當日為誰栽本支間出為龍去
秀實長留待鳳來揮袂好風能應接杖藜棲鳥誤驚猜
公游豈得如嵇阮禁省方歸治劇材

五老峯

不到匡廬今幾年，幽亭縱目意茫然。
蒼顏想像重湖外，翠色參差落照前。
潤澤為霖功及物，堅高作柱勢參天。
使君筆墨真能賦，不必須憑繪畫傳。

澄心亭

逸老初開池上亭，使君鐘鼓樂新成。
寶林自有湖山助，定水何曾風浪生。
雨過淡雲迷島嶼，日長幽鳥下簷楹。
扁舟遠泛滄浪碧，可避時人笑獨清。

和念一弟

岡陵盤泊土湖深蛟蜃伏藏山鳥吟大雪埋雲冬寂寞
喬松挾竹畫陰森百年身逐無涯智萬斛愁中方寸心
昨日汝詩催淚落暴添溪水兩三尋

臨江道中人家多植竹

遠遠平山淺淺溪人家栽竹當藩籬雪霜盡臘青如昨
風月垂春綠更滋淡薄冷光浮莽蒼招搖清影落漣漪
故園所富今幾頃會有歸來築隱時

和毛正仲

風雨登危奚壯哉見書三賦彼崔嵬細緣狗脊僕肩病
曲轉羊腸車轍摧晨鵲卜知書信到夜星占見使華來
愛君最識思親意取次枯腸夜九回

寄提舉朝議文

安穩青雲喜得輿寂寥窮巷憶回車灌畦搨搨知同病
遊刃恢恢想自如暇日會馳千里駕好風時寄一行書
愛公有似能鳴雁顧我還同煦濕魚

送致政大夫伯常自洛抵襄歸郢中舊居續賦

詩拜送

全家歸住白雲中
舊地新成半畝宮
簇簇要添垂柏翠
紛紛已出小花紅
自知北海恩懷厚
況是東鄰路逕通
到得落成應不負
攜壺先約醉春風

雜詠一首

小林幽徑自春華
不似城頭望處佳
山色倚雲千萬里
蓬門穿水兩三家
聲聞翠篠紛紛葉
香落寒梅細細花

金匱要略卷五
更上幽亭望南北欲隨幽鳥到天涯

病告詩上侍讀

詩句親題慰下僚清心洗盡渴心焦雲移星月來幽隱
風轉英莖下寂寥肝胆塵生知幾日齒牙病久起今朝
篇章盡出樵蕪鄙不識鰲宮路徑遙

寄史司理

日就妻孥問藥囊鏡中自笑髭毛蒼詩編欲乞閒方記
茶面親題病未嘗嘗就史借詩并寄茶未試也飲量無涯傾北海風

情不薄念東陽

史時亦在病告

終篇未盡相望意洗耳風前遲

報章

睦仲乞詩用其韻謝之

鬱鬱胸懷百未伸
道途容易學參辰
桂科今日須吾子
鼎食當時况所親
景物依依吟曉色
謳謠細細問途人
春風寫寄南淮地
瀟灑文章自細陳

和濟叔兄書齋言志

子夏今為河上居
諸生從此望夷涂
聖賢事業長難合

仁義生涯未至迂盛德固能蘇弊俗明時安忍作潛夫
鞭駑欲副新詩念爭奈曾參性質愚

二

常因多病泣途窮性命于今亦少通貴賤固宜常厥德
死生豈足動吾中游心自有詩書學扶病須憑藥石功
否剝亦留歸泰復天時安得久屯蒙

三

旅人汲汲赴前程奔走川塗不暫停蹤跡無如今困蹇

才謀不似舊精靈
雍容可羨雲中雁
浩蕩來隨水面萍
富貴功名皆外物
艱難險阻亦須經

四

未得臨流一醉觀
江山應是怨無端
苦吟夜月橫詩筆
爛醉秋風把釣竿
溪瀨最宜霜後聽
巒峰巒曾向雨中看
輸君瞬息窮千里
冉冉羈懷幾萬般

寓學芝山

鯨鵬未得遂南飛
翻學鷓鴣寄一枝
翠石碧泉無盡處

冷蛩鳴雁不勝悲驅除窮困知何計收拾功名竟幾時
宮吳不言難遽問性情無奈祇吟詩

初秋曉起

雲影冥蒙雨細飄風傳秋意又經宵蒼溪峴側千峯翠
高樹枝頭一葉凋病久亦傷光景速起來尤愛暑威銷
徐徐步向亭中立逸興飄浮酒氣驕

舟中作

曉日新晴三月天征途令我一凄然謀身獨愧聲名淺

得地安辭道里千匹馬荒山嗟困矣扁舟濁水喜安然
桐廬雖遠今伊邇魂夢先歸絳帳前

寄張子直

常願從君授古書血誠瀝盡更無餘漂流豈意來深野
繫滯無由從後車蹤跡浸違南郡帳夢魂長繞武侯廬
仁人有意收庸賤時寄聲音一起予

又

性質迂迴

一作愚

趣向卑此身敢望聖門歸趨時已愧雕

蟲陋學古還憂畫虎非材近蓬蒿難自立目無松栢竟
誰依重嗟蹤跡匏瓜繫翻羨蒼蠅附尾飛

子直見和前韻因復之

平時祇畏才無敵今日方知器有餘一第已多新宦況
潛思猶入舊田廬鳳皇固合栖阿閣騏驎誰令駕鼓車
千里青雲今至矣願傾深畫盡傳予

又

淹延未得共山居愁積胸腸萬斛餘致遠自傷無巨翮

臨危誰肯借安車
油幢金印男兒事
碧水青山隱者廬
窮達計謀今已決
故人天際亦思予

戲呈子直

步入松筠水石間
回眸方覺世途難
蒙茸草色繁行徑
凌亂花陰覆釣灣
暇日還能邀我醉
清時未肯縱君閒
烹鮮酌酒且行樂
北圃春容今又殘

寄獻教授友兄

焦心猶覲就功名
痛惜長為痰疾嬰
欲起病軀思扁鵲

未知窮命問君平

聞陳處士者善言禍福因訪之

道途遼邈何由及田

壤蕭條不復耕好學豈能幾亞聖受經從此愧立明

千乘先生有草堂之吟而人或譏之因次其韻

世俗無輕好遁譏先生豈是愛山扉聖人固重潛龍誠
君子安為即鹿非白水會來朝草徑紅塵不敢傍麻衣
金輿應有商岩夢即聽東南一詔飛

次道濟韻

吾材未及明時用來傍師門靜養蒙多病因知妨力學

潛思猶是覲成功松心並老凝寒後玉色相看烈火中
天意欲令更患難詩辭何必議窮通

病居婺女

蕩漾扁舟冒曉征此身何日得安停窮途敢恨身無託
多病惟思藥有靈氣誼腹心雙古劍江湖蹤跡一浮萍
塵埃易使羈容黑仁義難邀俗眼青鄉思浪憑歌笑解
微辭不是楚騷經

寄子直友兄秘書

碧水青山一萬尋不量無力強登臨辛勤亦覲功名就
痛惜長為疾患侵憔悴已成今日態英豪不復舊時心
歸期未遂家千里空對秋風淚滿襟

元夕與莘老俱宿齋因寄莘老

零雨其濛春始和明星有爛夜如何笙簧故與風聲遠
燈火疑添月色多漸老自能忘世味欲明更起看天河
定留太一青藜照顧寄荆人白雪歌

知常三十一致其政遷通直郎遇郊恩以親之

封封其祖父母以妻之封封其父母其外舅
知府龍圖安中以詩美之提刑大夫信叔和
之俾某屬和

立節秉心誠與俱至誠少日慕顏徒榮名及祖親仍與
盛事超今古亦無番國山川元潤澤吳園魚鳥亦驩虞
冰翁星使詩酬唱在昔嘗聞德不孤

承臬山毅夫提點學士有游會廐樓因用元韻

擁旌昔過趙州關

元祐五年使
北過趙州

剖竹今隣四祖山問法

幾生成密記焚香昌月禮慈顏知天稍似三無愠易地
何如五不還邂逅晦堂聊寄意而今事事祇如閒

按勞

瘦馬扁舟迹已勤三鄉行盡獨傷神湖邊圍漲魚龍富
野外田乾燕雀貧豈有異能裨此理試留餘澤遺斯民
東南步武豐凶別却笑天心似未均

寄錢穆父

忠義文章見一門風流竊喜得諸孫古人事業非無意

天下幾微定有言寒鬪雪霜松老太高飛霄漢鳳騰軒
治功今日俱無補塵土相看畏素餐

憶程公權

游從邂逅值王孫萬事無窮寄一眞傾蓋異時心似舊
望塵今日味如新清風遂別江山曉潤澤空餘草木春
欲寄贈言終少取獨為瞻慕共斯民

嘗約誼父同遊龍泉奔走失期故作是詩奉和

元韻

金史四庫全書
卷五
野寺幽幽隱翠嵐山川形勢盡東南吟隨野竹吾懷愜
醉啜溪泉此意堪樂事難并真可惜登高能賦亦曾諳
游從欲盡林間勝雨氣渾渾滿古潭

古木

雨濕路岐泥滑滑風吹江海水茫茫壯心弦直值吾道
孤宦蓬飛各異鄉詩句好吟江上碧酒卮已負菊邊香
豐年誰及農家樂老稚驩謳自滌場

得庭佐品夫二弟二書

十年翰墨共螢窗萬里憂勤鬢欲椿
薄宦塵埃寄南國
歸心日夜度重江春風喜詠棠陰秀
夜月愁看雁影雙
病眼相望勞不徹書來聊得此心降

賀兄長有子

鵲曾將喜信來
奇祥昨夜出珠胎
一枝始得龍孫貴
萬里看成驥子材
道路笑臨詩首首
庭幃歡上酒盃盃
風吹消息歸江國
老稚應須眼為開

欲雨馬上寄兄長

去馬驚塵犯客襟
喜看雲影聚輕陰
雁飛淺草風聲疾
蟻鬪枯梨雨意深
亭外見山輸獨嘯
林邊上馬強清吟

一聲誤認齊蟬晚
叫起肥陵夜夜心

予敝居有見山亭

暑雨

暑熱炎炎起道途
雷霆一陣出山隅
雨吹細點沾鬚鬢
風捲輕寒上髮膚
但使田疇終潤澤
敢言車馬久泥塗
天時信有豐年意
笑語輕便共野夫

過紫金山

薄晚遲留問舊山塵埃敢意紫金丹雲生石眼千年潤
風出雲梢五月寒下蔡塗泥沾馬足長淮風浪觸漁竿
八公更有威靈在薄領應須笑賤官

擬賞花釣魚詩

晴雲扶日上昭陽翠輦鳴鞭下建章化國樓臺天半際
瀛洲殿閣水中央魚游自並龜龍國花氣渾如薝蔔香
擬學華封人作頌千秋萬歲奉君王

二

琉璃宮殿雲深處錦繡池塘雨過時魚躍定名千歲鯉
花開多是萬年枝恩流河漢波瀾闊春在蓬瀛日月遲
三十餘年無此會今朝會見栢梁詩

三

孔雀橫斜寶扇回雕龍浮動翠輿來魚知迎日爭先躍
花會留春獨後開法部方將九成樂侍臣迭迭一作萬
年孟太平恰似唐虞際臣主從容賦起哉

四

翠蹕雕輿下未央
禁林春色秀天芳
帝居便是蓬萊勝
花氣渾如薝蔔香
五色靈池魚撥刺
九苞阿閣鳳迴翔
神仙世界光陰別
比著人間一倍長

五

日煖魚遊百子池
雨餘花折萬年枝
微風靜覺絲絳遠
暖日徐看淑景移
九奏高張洞庭樂
七言徧賦栢梁詩
吁俞不忘幾微戒
恰似唐堯虞舜時

六

甘雨祈祈兆歲豐
君王暇豫與人同
晴陽魚躍烟濤外
暖日花開錦繡中
更有靈龜千歲綠
仍多陳粟萬倉紅
便知豈樂歌頌首
不比飛揚賦大風

七

百子池塘春復還
五雲樓閣曉猶寒
蛟龍影上黃金輦
錦繡香浮白玉盤
宿藥萬包開雨露
修鱗五色躍波瀾
太平既醉恩無報
白首侵尋畏素餐

八

檻外幽花暖欲然。池邊弱柳困初眠。風晴鶯戲長楊日。
水淨魚游太液天。玉斚酒深浮湛露。寶爐香聚引長烟。
雲章光絕無能繼。但頌南山億萬年。

九

霽色蒼茫杳謁中。玉輿朝出大明宮。修鱗戲躍神池日。
宿藥爭開禁禦風。韶樂大恩流動植。靈臺餘澤入魚蟲。
龍光所被何其厚。欲報慚無尺寸功。

十

九重殿閣五雲中閒暇君臣燕樂同芳卉便成金色界
游鱗如在水晶宮承雲樂見太平象湛露詩成王者風
從幸甘泉能獻賦愧無人可似楊雄

題醒心亭

紅塵萬里困征鞍喜向幽亭一倚欄日夜水聲趨澗曲
西南山色上雲端窗橫古木秋陰老檻逼蒼崖雨氣寒
搜盡肺腸吟不竟欲君親置畫圖看

謹次知縣奉議

早日蒼茫杳藹中
綉衣綵旆照花驄
路從古汴聊分北
家在瑯邪更近東
大野曉行千嶂月
長河朝濟一帆風
賜環不獨邦人願
名字從來重兩宮

次來韻

山川不見石泉城
風日搖搖想旆旌
鸞鷟老尋丹穴宿
驂騑饑上赤霄行
隆冬霜雪傷萍泛
末路埃塵憶蓋傾
父老祇知榮衣繡
鄉人未會貴登瀛

拙句送通判學士正夫

山谷冥冥多雪霜人情隨處足悲涼綠衣公獨有老母
喬木我今思故鄉行酒賦詩不忍別登高臨遠便相望
故鄉雖好莫留滯日月其除行路長

長沙道中寄君時

少時惜別惟男女老大相思味尤苦時節愁深聚作雲
道途汨落紛如雨

又

夢魂草水去無時書信蒲山來有數幾時與汝歸去來

綵服相看老農圃

和文淵遊餘干山寺

愛山終日在山巔山徑遲留幾履穿澗水曲流隨步履

爐香深處作雲烟

一作深聚

我我健馬橫岩石

邑有白馬石

漠漠

蒼龍宿舊淵

寺有龍井

為語琵琶洲上路幾時容我繫歸船

道中每至山寺輒遲留久之

杖屨徜徉信所之偶逢佳致即忘歸舟惟不繫東西去
雲似無心在處飛歲月漫能催我老江山可復與人違

一塵未足南陔志靜笑浮生事事非

武岡驛

行路蕭條傷客心黃雲不動祇陰陰天寒獨鶴飛平澤
日暮慈鴉歸故林鱗翼不將一字至雪霜莫怪二毛侵
擁爐更飲鍾陵酒抱膝漫為梁甫吟

天陰不雨者二十日矣

依韻和蕭推官見貽推官

刑

字子方知桂州修

撰注字子善相及喜論兵嘗見于鄱陽

晚年相遇更堂堂祇似當時鄱水陽物論固非低闕閱

家聲元自滿湖湘
風回獠俗歸陶冶
囊括蠻州入井疆
使指質成非有用
贈言虛自辱圭璋

鄱陽集卷五

欽定四庫全書

鄱陽集卷六

宋 彭汝礪 撰

律詩

寄佛印

菩薩化成瑤象車超騰倏忽到雲居提攜滿鉢雕胡飯
供養一簞明月珠稱我姓名日專甲問師安否近何如
即今無病無言說還有人能致問無

清江聞提舉承議先行馳寄小詩

一水相忘復此時世情豈故與人違江湖雨漲潛鱗去
霄漢雲深畫鷁飛曉月正思公共載春風好與我同歸
別來道味知何似丹竈黃芽想更肥

走筆和蕭推官迎提舉承議

青山遠遠水回回初見鍾陵城上臺將迎不獨兒童喜
楊柳看人亦眼開

又

畫舫急隨江上鷗猶嗟不及水先流欲知今日陳雷社

不數當時李郭舟

又和治居許昌詩

事與心違即掛冠
逍遙芝朮長童顏
黃金晚去雲中翮
員嶠深游海上山
平日以身當國論
老年將夢比人間
文章氣力終豪健
四韻詩來倚馬還

又

聞說當年鵷鷺班
諫書無數慰龍顏
水橫潁首歸新第
雲斷峨眉憶舊山
漫有新詩名海內
曾聞雅樂獻河間

金匱要略卷六
西湖今日春應好想見扁舟載月還

途中寄君時弟

郵亭車馬日紛紛可逐塵埃老此身
燕子恰如曾宿客
雁奴猶是未歸人
晚雲明滅初收雨
朝日陰晴擬放春
花木一時渾自好
寄聲華髮莫爭新

又

天晴日馭去遲遲恰是春風中半時
柳色笑花須似錦
雨聲欺雪故如絲
遷喬他日吾求友
發藥明朝汝得師

老兄晚有所悟仲
嘗云俟到日共參樂事信知人不及異鄉同有拜親期
次君時韻

牙絃不願世人知末路論心有子期萬物參差為我與
三人邂逅得吾師更貧未乏揚雄宅已會誰悲墨子絲
欲說本來時節事直須會得未來時

寄檢法奉議

長春月月與玫瑰煩近萱堂仔細裁却語花開無造次
老親寒食以前來

老兒挈幼小將及鄧因寄君時弟

莫言法法與塵塵祇論而今見在身婆子臺山能護物
厮兒臨濟最疑人阿那含果多生葉優鉢羅花別樣春
須認鐵牛樓上語一回幾看一回新

又

長年騎馬走風塵擾擾猶知夢幻身野柳最憐青綬客
山桃莫笑白髭人照溪七里亭邊晚近郭百花洲上春
捉塵即從君道舊浮蛆更許我嘗新

和范學士

紅塵投老倦征鞍
夢寐清規祇厚顏
論德毋疑觀大水
言詩曾賦仰高山
退之自處軻雄後
甫也當居楊馬間
知止舊風衰久矣
只今須合為公還

又

酒榼甚桴足燕閒
市朝愁復抗塵顏
曾非學道隨東魯
可怕移文累北山
花燭園林春半際
烟波亭榭水中間
藍輦想見公游處
潁水何時聽我還

寄致政侍郎

孔門弟子數三千用舍行藏獨與顏委曲百川終至海
辛勤一簣欲為山是非擾擾俱身外生死悠悠亦夢間
漫愛隱居多氣味扁舟今欲與公還

又書懷

錦江蟠泊落雲端秀氣全分在兩顏少日大鵬飛北海
清時片玉出崑山心存魏闕安危際名在丹臺伯仲間
昨夜瀘渝初奏捷巔崖誰為勒銘還

熙寧中瀘戎平
學士常為作頌

中丞溫伯雜端持正與其僚出祖正孺端伯于

劉元忠宅某即席賦詩

蜀山想見去程無滿眼春風別興添光動酒船浮玉雪
味調羹鼎足梅鹽竹枝墮影低垂砌花葉吹香細入簾
更欲稍留山簡醉應須少霽若翁嚴

翌日景繁察院公初叔明推直謙父主簿復會
某晚至即席用前韻

鼎實參差海陸無爐烟浮動麝闌添紛紛不及同朝飲

草草猶能共暮曛
最愛梅香頻倚檻
欲留槐影更褰簾
驛途即折垂楊別
酒令毋嫌細柳嚴

又

銀魚珠紱綵衣無
稍覺公行氣象添
白水長時雲似霧
青泥三月雪如鹽
詩成昌日傳郵置
書就他時奏陛廉
更為朝廷問幽仄
人材豈遂乏楊嚴

送桂陽令臧祖道

莫笑長官權勢輕
所懷端可及生靈
勤憂每見朝嘗膽

勸恤遙知夜戴星
禮節但能堅玉石
清名亦合上丹青
餞行欲以言箴贈
留作君家座右銘

中丞溫伯雜端持正約同餞夷仲不克某獨出

城重陽後一日

宛轉平林十里開
天晴更喜少風埃
桃花笑摘籬邊菊
竹葉慚無馬上盃
更欲看君橫奮迅
不應如我久低徊
閭閻墊墊憂昏墊
側耳垂聽御史來

和提點少卿詩韻

文場俱是出羣雄
曾頌鴻毛遇順風
稍記螭頭初賜第
漸驚鶴髮欲成翁
老年翰墨才仍敵
故國溪山路更同

公與子發
俱笑人

存歿感懷
渾夢寐會須推付酒樽中

和提點少卿喜雪詩韻

曲岸滄洲一水涯
輕舟欲訪戴逵家

公時泊城隅寂淡
章江門

梧桐月溪岸
蕭騷蘆葦花
潤澤便知年事足
清明更愛曉晴佳
園林已有春來信
笑看浮生鬢欲華

又

同雲漫不見津涯雪霧參差似一家辛苦宋人成楮葉
殷勤驛使寄梅花潤沾南畝從橫濶寒助西山曉夕佳
三白更同千乘喜屢豐吾亦有光華

久雨和張季友寄程德林時季友得環倅程受
婺源未赴

寂寂不聞車馬聲泥途無亦畏逢迎引觴自放連朝醉
揮麈遙思一座傾傳野好為三日雨杜陵莫醉百憂行
西南俱說催征轡却願雙輪四角生

和張季友正父歸因為詩寄

曲曲幽林遠遠山歸與誰得似公安定為五柳先生傳
應笑三年博士官上國塵沙隨馬箠長溪風浪屬漁竿
秋風喜得音聲到起對青燈子細看

寄妻兄寧文淵時廣西方用兵而文淵謫官在

廣東

有客遲留瘴海邊白頭想見欲潸然淹留每笑猶千里
琵琶遙知有二天行聽伏波平嶺嶠已聞下瀨濟樓船

幾時幽谷靈芝路水石相看穩畫眠

送郭知章宰浮梁

萬室喁喁望已深臨流不敢重分襟問閭早覺春風到
岩谷遙思晝日臨制御古非無至策愛調人自有良心
笑言已得公才敏側耳風前聽好音

又

仕宦悠悠今幾年初分一邑走江邊鳳飛遠水顛崖地
鶴唳青霜皓月天瀟灑淵明多種秫從容子賤數鳴絃

秋風坐看車轅速一夢歸爭鳥翼先

和李潛夫同年并簡寧文淵時二君在鄱陽

我賤無庸如子何白頭相望欲悲歌少年策在英豪腹
清世名專守相科薄宦從容憂自少故人邂逅樂應多
秋風不見北歸信東顧蒼茫臨大河

送徐望之郎中提舉舒州靈仙觀

江瀕遠別幾秋螢汴曲相逢眼更青子志自能同豹變
弋人安得望鴻冥風流綠蟻千鍾酒香火黃庭一卷經

祇恐諸公還薦鶚未容輕去老岩局

送提點少卿丈還鄱陽

秋風吹雨響梧桐南岸遙山翠幾重稍愛樓臺足清曠
可憐樽俎未從容三溪天外橫新水五老雲間出舊峰
邂逅一舟吾亦往登臨還復與公從

奉和提點少卿來章

場屋當年翰墨親故鄉相別九年春相如舊有凌雲賦
居士今惟淨法身素節直須深愛惜高材未必竟沈淪

祇疑龍去須為雨不似區區尺蠖伸

呈運判學士

邂逅江濱宿使航五更窗外月猶黃因陪談麈殊優遠
自反機心愈渺茫老馬但羞千岳阻病翰孰與九臯翔
明時賴有吾宗在敢學西鄰便涕傷

又

相望冰壺江水濱渴心枯涸欲生塵忽逢使節何勝喜
又說宗乘得愈真髣髴雪霜經歲有眼前風浪與時新

茫然未有歸田計愧以窮通問故人

和十二法曹

秋來初得兔園書更有詩來慰索居
出宿幾時吾稅駕歸寧何日爾脂車
貧如原憲元非病懶比嵇康老更疎
鴻鴈池邊知可樂鸛鷀原上正相胥

次韻晦之泂牒楚泗二州

鷁首爭先鳥翼飛宦遊容易即天涯
漸生世事無由盡已去年華不易追
芍藥遂輸淮上樂櫻桃終念水邊期

雨餘亭外山爭出，幾日相看一酒卮。

苦吟

苦吟遂見詩鋒銳，獨樂寧思飲社豪。
別去性情生淡泊，老來風致長清高。
紛紛行李君休歎，瑣瑣乘田吾正勞。
爭似扁舟碧江上，幾回風物入秋毫。

晚風

南北東西萬里通，往來長與水無窮。
役心一日空隋力，餘澤千年謝禹功。
滿道柳陰低翠幄，夾堤橋影卧長虹。

樂游不及先生快坐看千航起晚風

四方

四方難綴游人足萬里無嗟客子蓬紅滿桃花生細浪
白翻蘋葉起清風路當吳楚塵相接源出淮夷勢未窮
聞說夜吟清不盡月明如近水晶宮

病中寄妻兄寧文淵

百年流轉寄風波老態欺人病更多賴有子能知管仲
即無人可向維摩悠悠世味祇如此擾擾人生能幾何

南北有時歸計就
考槃終欲共山阿

和晦之所感

萬物初還白帝秋
新寒冉冉上衣裘
紅泥爛醉須千日
皓髮悲吟漫四愁
氣挹風雲詩易取
分投膠漆意難酬
簿書久廢游從樂
最負江山翠滿樓

送濟叔兄

風起青蘋去鷁催
江山無路笑言陪
泪生病眼朝千里
愁入枯腸夜九迴
秋水忍看鴻獨宿
春風好與燕俱來

別期重有文章約老稚應須眼為開

送樊秀才名倪先生

羣言分散寄遺經天亡吾儕照未明猶惜是非迷後世
旁求規矩遺諸生騏驎始信能千里鵬鶚終須看一鳴
杖履從容問孤跡為言心寄海邊城

治平諒闇元夕

上元無樂送長宵泪洒城陽泣帝堯雲障月華寒淡薄
風吹雨點細飄搖物隨世事生悽愴天與人心長寂寥

不用燈花鬪光景火爐詩筆慰無聊

又

仙樂誰家奏管簫異香到處合枰聊風生雨後聲悲慘
月在雲間影動搖幽徑小溪春寂寂淡燈寒燭夜寥寥
香焚敢效封人意睿筭年年祝帝堯

寄濟叔兄長

東南路逕走江淮萬里波聲日夜迴流水會將孤夢去
游鱗不寄尺書來風吹雲影東西散雨點花枝在處開

節物傷人心總碎一春歸興滿蘭陔

次致政張大夫韻二首

石城山水有清音賈斬烟蘿路更深松竹門闌初作徑
蒲荷池沼舊成林駢駢出適窮周道汨汨歸休傍漢陰
莫詫大夫能作賦但逢故老數揮金

又

李郭曾同溪上船途人指點作神仙松篁老長菱荷密
鳬鴈飛浮鷁鷁前霖雨未終岩野地陽春方擅郢中天

文章不敢蘭亭比翰墨纔能記歲年

醺亭一首

未得從君醉醺亭坐無酒意正醒醒雲飛野壁春心遠
蝶悞花枝晝夢驚草履踏泥尋曲徑紗衣冒雨上重城
金絲不厭幽閨地時向高風葉一聲

皇甫乞詩為贈因次其韻

憶昔丹書下粉闥諸公接武上瑤池勢凌鵬雙鴻翼
香滿蟾蜍一桂枝議論所存無贅學聲華此去有真知

風松無限溪山樂時倩秋風寄數詩

合肥府學中賡諸公韻和正寺翔甫總翠亭

危亭縹緲壓城端總拾澄虛入畫欄地勢西連金斗峻
山容東際湫湖寒行瞻日月光華近坐覺乾坤器度寬
聞說南州畫工在可能收作一屏看

和濟叔燈花

燈花一點照花枝今夕相看孰是非冷艷幾時開密室
春光半夜到重闌稚兒戲感寒心落羈婦爭持喜信歸

寄語簾風莫催促冷吟贏得看芳菲

雜咏詩

詩軸親題乞一寮清心洗濯渴心焦雲移星月來幽隱
風引英莖下寂寥肝胆塵生知幾日齒牙病起自今朝
踈愚強笑為生計不識鰲宮路逕遙

又

朔風吹雪滿天涯寂寂朝雲冷萬家試步城頭望坊巷
玉枝無處認梅花

苦旱和俞都官

焚燒繼炎日長養誤薰風責已君臨厚勞心縣宰忠十
州飢饉後萬里鬱陶中欲寄精誠禱天心或可通

上留守侍讀生辰

素節于今傑青春此日生地還坤德重天給露華清鴻
鵠飛昭曠騏驎瑞太平雲浮朱檻細星入畫圖明簪紱
師先進旒纒望老成千齡逢盛際萬里起修程客獻南
山頌人期北戶榮學高才稱副仁厚福兼并香薦芝蘭

秀詩言犬馬誠祝公比松栢早晚席台衡

九日獨登城上臺感懷寄兄長

九日獨登城上臺南山望盡祇塵埃黃華雖富紛紛菊
綠蟻誰同灩灩盃時節獨催雙鬢雪利名還見此心灰
池陽星子多朋舊能有音書萬里來

二

孤城幽谷晚烟重事緒無過與此同寒夜獨吟風靜後
扁舟應宿月明中

三

秋來常苦客飄蓬
身羨歸鴻飛復東
欲問江南是何處
亂山擾擾自無窮

和應詔吟

又得華牋是浣溪
短窗翰墨自光輝
寒梅不動情相炤
幽鳥無聲意欲飛
數四恩嘉成海濶
百千文字繫珠璣
風花未稱相望意
特為君王述萬機

秋風

風戰江湖飛斷梗
露零霄漢聽征鴻
身雖流俗志萬里
昔是少年今老翁
雙眼久因塵事黑
病顏今為酒樽紅
夜深胡蝶歸魂夢
飛盡蓬瀛島嶼中

山林

鶴瘦松枯不自禁
窮愁千萬欲相侵
山林誰識謝公意
風月獨高梁甫吟
行視水痕嗟未息
靜看雲影愛無心
懶隨塵土趨時態
欲就絲桐丐古音

船中見廬山

翠色蒼茫杳靄間
船人指點是廬山
浮雲作意深藏護
未許行人取次看

浩歌

歌盡綠洲千古意
陶然初到性情真
試臨華岳題詩筆
欲走滄浪買釣綸
苔潤一瓢貧氣味
草荒三徑久埃塵
我心自有青雲在
安得羈留濁水濱

壯心

銳氣銷磨一水平
壯心非欲避功名
窮通有屬都天意

憂樂無端自物情
沸地延留山月影
褰簾收拾水風聲
清吟又得松陵侶
誰惜花前酒重傾

大笑

大笑花開傾屈卮
狂來不惜典春衣
飄浮世態知惟我
淡泊天真得者稀
雲漢露寒沾玉液
江天風靜拂金徽
樽罍易竭情無盡
海岳蒼茫一夢飛

步入

步入浮游淡泊中
紅塵無計到心胸
微之散落詩千首

白也飄零酒百鍾
天地寂寥窺夜月
風霜悲慘看春松
清晨試引青銅照
一點朱丹入病容

師言

嘗就師言卜所從
萬為都起至誠功
天樞疊疊時長北
溪水悠悠夜亦東
陋跡已生千古後
微懷方醉六經中
竹林交友多才力
應念南軒一病翁

縣舍小飲因就伯逢求饌具

霜凋老木青楓碎
雪盡空山夜月新
收拾村醪欲歌笑

咨嗟破突久埃塵分為白屋窮賓客迴睽青雲舊主人
天地若寒今有備醉橫詩筆覺精神

累承見酬因謝之

千夫拱默看文陣百戰縱橫及醉鄉齊晉亦當憂魯弱
韓吳終是怯秦強威容敵國矜豪邁氣壓羸兵急遁藏
他日相期坐帷幄為君窮力破戎羌

匪躬先之桐廬因作詩送之

男子生當自樹立莫令寂默終無名膏粱孰與文章樂

錦繡不如仁義榮
予病淹留豈得已
子今閒暇固當行
竹林交契知安否
議論從容為寄聲

次韻晦之楚泗道中

白日紅塵身世勞
羨君詩興自陶陶
敢因錦繡邀青玉
漫把瓊瑤報木桃
冰雪正寒心始見
騏驎已老氣終豪
一言起拜先生辱
羞愧無才及楚騷

暮雨

暮雨忽隨江上舟
寒風髣髴轉清秋
興隨烟月成千首

醉忤鶯花長四愁不繫可憐波上葉忘機應喜海邊鷗
一聲畫角吹魂夢散落淮天晚未收

扁舟

扁舟滿眼送波濤一夜霜華上鬢毛雨脚已收朝日薄
潮頭忽上曉風高江山須信游人樂簿領還知俗吏勞
見說指揮功利白餘才今見解牛刀

欲寄

欲寄子聲無使還平安始見一書間偶從淝水經淮水

應對龜山憶蜀山浮世迺知俱物役利塗曾復見人間
每言庾信愁難解果道安仁鬢已斑

古廟

巖巖遺廟水岩幽想像遲回物為秋堂陞終須辨臣主
山河空復誓王侯地全東海疑先兆力盡淮陰意未休
可恨游人滿門下不將敲器與君謀

楚野

楚野雲寒山點綴淮天波盡水徘徊古今寥廓歸談笑

氣象縱橫費剪裁
愁日遠隨雙錦翼
離情滿寄百金盃
清風正引城頭望
淮上車音幾日來

次韻劉景文見寄

萬里飄蓬失舊游
汴隄別去又三秋
朔風悵望心先去
夜月相瞻影獨留
偶得篇章還自失
喜因文字會忘憂
幾時樽俎追平昔
孰醉靈芝最上頭

題程則之瑞墨閣

三靈山人則之少游王公大貴人之門得仁宗皇

帝御書數軸構閣而藏之名以瑞墨而乞詩于予
仁宗事業望唐虞翰墨仍兼八體書長嘆仙游今寂寞
不知遺跡在樵漁鳳鸞影落新安水奎壁光臨處士廬
北望昭靈雲香靄倚欄雙汨染衣裾

將及下蔡寄仲求

不見大夫行五年渡淮欲見汨潺湲憂懷徃昔今哀矣
仕宦遲迴亦偶然眼看飛雲難自定身隨去鳥擬爭先
更鞭駑馬登橫嶺即借長橋濟大川

九日同仲求登高有感

曾侍靈芝九日觴登高從此共淒涼故鄉江外烟波濶
上國雲中道路長世事祇催蓬鬢雪秋風不減菊花黃
坐看鴻鴈天涯遠甘醉茱萸盞面香

別子容

衣衫塵土待光輝議論淵源慰渴飢鄙遠尚思同舊學
疲驚常恐誤真知壯懷銷落非前日孤宦遭迴強此時
萬事紛紛知有在齋心更欲問蒼龜

自北歸夜夢侍親闈久之既覺感而成詩

中宵八九夢親闈笑逐兒童戲綵衣起覺片身猶逆旅
化為雙泪落征衣祇嗟輕逐孤蓬轉安得爭先去鳥飛
薄宦自傷無以養亦知從昔戒脂韋

兄弟約芝山共學未暇辱以詩督之因次元韻
弟兄相寄玉為音洗盡塵埃一寸心欲以蚊虻看勢利
能將珠璧現光陰雅游蕭洒知難廢故約遲留惜未尋
北望靈芝山在處暮雲回合碧沉沉

讀書

讀書雖苦亦何知仕宦紛紛強此時舊學望君真短短
新詩愛我已枝枝清生野檻晨風遠暖度山窗晝日遲
出處從今能自卜不庸著蔡已無疑

清明日仲永游薦福先秋亭晚過芝山他日有
坐客獻詩者仲永見率同和

行背林梢轉水灣樂游與物共安閒旌旗影散烟波上
金竹聲流島嶼間宿雨未乾花焰焰晨風不動鳥關關

久晴見說春尤好何日重來訪舊山

送鄒秘丞廣漢赴御史

清論從來滿士林君王今日為虛襟謀維已熟言難廢
勢位雖隆望亦深可否謹須要至理窮通知不異丹心
北風會到江南路上城頭聽好音

廣漢言事得陵州仁壽縣將以詩迎之

昨日除書下禁林詔言明白灑宸襟誠留魏闕初非淺
望繫朝廷晚更深議論自關天下計功名非係古人心

金匱要略卷六
秋風行李歸來未旦暮虛懷遲玉音

次張同年德父移松杉石楠海棠各賦一首

孝思知欲寄無窮手挿松枝宅北東始聽靈根來澗底
會看高節入雲中紛紛泪滴枝頭露擾擾愁隨葉上風
老盡雪霜終不變亦知因此議窮通

二

張子紛紛非世情栽杉為徑護墳塋烟冥接葉愁俱滿
露落低枝涕泗橫直幹森森才滿握微陰細細欲盈城

栽培會與風霜老愛護無容螻蟻生

三

石楠梭木照春山顏色紛紛亂碧丹
剝葉如雲散幽塚清陰為蓋覆靈壇
沾濡細雨生秋色搖撼驚風長夜寒
應並孤松長共老好栽慈竹與同看

四

見說無因寄孝心自移花種碧山岑
栽培蒙密春先暖想像遲回日為陰
多恨祇悲新雨露遺靈如得舊園林

金匱要略卷六
黃鸝不會人情思亦向枝頭送好音

寄學芝山正叔寄詩有想歎之意次元韻

想望獨登城上臺重雲不見首勤回久分笑語心幾塞
忽得詩書眼為開草褐岸巾隨鹿豕佳山野水外塵埃
公名方與風霆遠未可窺余寂寞來

詩寄兄長并示二十四舍弟

去年馬走途中雪今日舟行湖上風吾分自天俱有定
此憂如水自無窮誰知雲漢雙飛鴈自笑江湖一斷蓬

祇有綵衣情最樂復嗟不與弟兄同



鄱陽集卷六